

Ukiumoortumik naatsorsuutit pillugit inatsimmi aalajangersakkat ilaasa atorineqartarneranni ikaarsaariarnermut aalajangersakkat pillugit Kalaallit Nunaannut nalunaarut

Ukiumoortumik naatsorsuutit pillugit inatsisip allannguutaa pillugu inatsisini assigiinngitsuni aalajangersakkat ilaasa Kalaallit Nunaannut atuutilersinneqarnerat pillugu kunngip peqqussutaani nr. 487-imi 14. maj 2018-imeersumi § 3, imm. 2 naapertorlugu aalajangersarneqarpoq:

§ 1. Suliffeqarfiit ukiumoortumik naatsorsuutit pillugit inatsimmi § 38-mik maannamut atuuttumik, kunngip peqqussutaatigut nr. 625, 23. juni 2008-meersutigut atuutilersinneqartumik, aamma ullormut nalingannut pigisanik pisussaaffinnillu ilanngussillutik naatsorsuusiorsimasut angusanit naatsorsuutit pillugit killilersuinertalimmik, inatsimmi § 38-ip allannguutaata kingunerisaanik pigisat aamma/imaluunniit pisussaaffiit pisiarineranni akianut uuttortarneqartussanik, tak. pisiarinerani akianut annikillisamut inatsimmi § 36, imm. 1, tak. ullormut nalinganut inatsimmi § 37, imm. 2, tak. inatsimmi § 41, imm. 1 imaluunniit nalinganut ilorlermut, tak. inatsimmi § 43 a, imm. 1 atuisuusimasut, ukiumoortumik naatsorsuutit pillugit inatsimmi § 43a, imm. 1, kunngip peqqussutaatigut Kalaallit Nunaannut atuutilersinneqarsimasooq apeqquataatinagu, ukiumi naatsorsuusiorfusumi kingullermi 1. Januar 2018 sioqqullugu aallartittuni ukiumut nalunaarusiami ullormut nali, ilanngullugu naatsorsorneqartoq kingorna ukiumi naatsorsuusiorfusumut ukiumoortumik nalunaarusiami pigisat pisissaaffiillu pisiarineranni akiatut nutaatut isigisinnaavaat. Taama pisoqartillugu oqimaaqatigiissitsinermi imaluunniit angusanut naatsorsuutini sanilliussinermut kisitsit allanngortinneqarsinnaanngilaq.

§ 2. Aningaasaliisarnermut illuutitut, ukiumoortumik naatsorsuutit pillugit inatsimmi maannamut atuuttumi § 38 malillugu ullormut nalinganik uuttuisinnaasimasooqartinnagu, kunngip peqqussutaatigut nr. 625-kkut, 23. juni 2008-meersutigut Kalaallit Nunaanni atuutilersinneqartumi, kisianni ukiumoortumik naatsorsuutit pillugit inatsimmi § 38-mi allannguutip. Kunngip peqqussutaatigut Kalaallit Nunaanni atuutilersinneqartup kingunerisaanik aningaasaliisarnikkut illuutit ullormut nalinganik uuttorneqarsinnaasunik, suliffeqarfiup ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutilersinneqartumi, kingusinnerpaamik ulloq 31. december 2018-imi aallartittumi, ukiup naanerani nammineq aningaasaatini ullormut nalimik toqqaannartumik iluarsiissut aatsaat ilanngullugu naatsorsorneqarsinnaavoq. Taama pisoqartillugu oqimaaqatigiissitsinermi imaluunniit angusat naatsorsorneranni sanilliussinermi kisitsit allanngortinneqarsinnaanngilaq.

§ 3. Suliffeqarfiit ukiumoortumik naatsorsuutit pillugit inatsimmi maannamut atuuttumi § 34-mik atuisimasut, kunngip peqqussutaatigut nr. 625, 23. juni 2008-meersutigut Kalaallit Nunaanni atuutilersinneqartumi, suliffeqarfinni ataatsimut aqunneqartuni piginnittut tamarmik akisussaaffigisaannik aningaasaatit agguarnerisa ilanngullugit naatsorsorneqarfianni, kisianni siunissami aningaasaatinit piginneqataassutit pisiarineranni akiannut ilanngullugit naatsorsorneqartussani aamma uuttortarneqartussani, kunngip peqqussutaatigut nr. 625, 23. juni 2008-eersutigut Kalaallit Nunaanni atuutilersinneqartumi, tak. inatsimmi § 36, imm. 1, kunngip peqqussutaatigut Kalaallit Nunaanni atuutilersinneqartumi, ukiumut naatsorsuutit pillugit inatsimmi § 51, imm. 1, apeqqutaatinnagu, kunngip peqqutaatigut Kalaallit Nunaanni atuutilersinneqartumi, ukiumi naatsorsuusiortarfiusumi kingullermi ulloq. 1. juli 2018 sioqqullugu allartittumi ukiumut naatsorsuutini ilanngaaseereernikkut nali ilanngullugu naatsorsorneqartoq, ukiumi naatsorsuusiortarfiusumi tulluuttumi ukiumut naatsorsuutini aningaasaatinit piginneqataassutit pisiarineranni akiattut nuaatut isigineqarsinnaapput. Taama pisoqartillugu oqimaaqatigiissitsinermi imaluunniit angusanut naatsorsuutini sanilliussinermi kisitsit allanngortinneqassanngilaq.

§ 4. Ukiumoortumik naatsorsuutit pillugit inatsimmi § 43, imm. 2-mi allannguut, kunngip peqqussutaatigut Kalaallit Nunaanni atuutilersinneqartoq inatsimmi tassanerpiaq § 51, imm. 1 apeqqutaatinnagu imaalillugu atorineqarsinnaavoq, sanaartukkatigut pigisat nalingisa sinnerat ukiumi naatsorsuusiortarfiusumi kingusinnerpaamik 31. december 2018-mi aallartittumi siullermeerutaasumik nalileqqinneqarsinnaavoq. Taama pisoqartillugu oqimaaqatigiissitsinermi imaluunniit angusanut naatsorsuutini sanilliussinermi kisitsit allanngortinneqassanngilaq.

§ 5. Ukiumoortumik naatsorsuutit pillugit inatsimmi § 33, imm. 1, § 42, imm. 3, § 47, § 82, § 118, imm. 4, imaluunniit § 120, imm. 2-mi allannguutit, kunngip peqqussutaatigut Kalaallit Nunaanni atuutilersinneqartut kingunerisaannik, pigisat pisussaaffillu ilanngullugit naatsorsornissaannut uuttortarnissaannullu periaatsit allanngortinneqarneranni, inatsimmi tassanerpiaq § 51, imm. 1-imi allannguutit, imaalillugit pisinnaapput, pissutsit kisimik ukiumi naatsorsuusiortarfiusumit pisut, 1. juli 2018-imi kingusinnerusukkulluunniit aallartittut, malittarisassat nutaat malillugit ilanngullugit naatsorsorneqartassapput imaluunniit uuttortarneqartassapput.

§ 6. Suliffeqarfiit, ikaarsaariarnermi aalangersakkanik §§ 1-5-inik atuisut, tamanna nalunaarsuutini paasisutissiissutigissavaat. Nalunaarutip taassuma atorineqarnerata kingunerisaannik naatsorsuutini allattukkanut naatsorsuusiortarnermi periaatsit ataatsimit amerlanerusut pineqartillugit, nalunaarsuutini allat aamma paasisutissiissutigineqassapput, tamanna ukiumoortumik naatsorsuutit pillugit inatsimmi § 11, imm. 1-ip, kunngip peqqussutaatigut Kalaallit Nunaanni atuuttussanngortinneqartup naammassinnaanut pisariaqassappat.

§ 7. Nalunaarut ulloq 1. juli 2018-imi atuutilersinneqarpoq, ukiumillu naatsorsuusiortarfiusumiit 1. juli 2018-miit kingusinnerusukkulluunniit aallartittumik sunniteqassalluni.

BRIAN MIKKELSEN

/ Susanne Thorhauge

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut